

Broj: 01-04-2-274/2025

Sarajevo, 28.07.2025. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te člana 70. stav (3) Zakona o javnim nabavkama („Službeni glasnik BiH“, broj 39/14, 59/22 i 50/24), direktor Fonda za zaštitu okoliša Federacije BiH donosi sljedeću

## **O D L U K U**

o izboru najpovoljnijeg ponuđača

### **I**

Najpovoljnijem ponuđaču BAUMASTER d.o.o. Sarajevo, broj ponude: 02-37-7/25 od 22.07.2025. godine, u postupku javne nabavke radova na popravci i održavanju poslovnog prostora Fonda za zaštitu okoliša Federacije BiH, dodjeljuje se okvirni sporazum o nabavci radova na popravci i održavanju poslovnog prostora Fonda za zaštitu okoliša Federacije BiH u iznosu od 29.216,25 KM bez PDV-a.

### **II**

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke, broj: 01-04-2-242/2025 od 09.07.2025. godine. Javna nabavka je sprovedena putem postupka konkurentskog zahtjeva za dostavu ponuda. Ukupna procijenjena vrijednost javne nabavke bila je do 30.769,23 KM bez PDV-a.

Obavještenje o nabavci broj: 1382-7-3-37-3-36/25 objavljeno je na portalu javnih nabavki dana 09.07.2025. godine u 13:51 sati, dok je tendersku dokumentaciju broj: 01-04-2-3944/2025 od 09.07.2025. godine preuzelo 18 (osamnaest) ponuđača.

S tim u vezi, u skladu sa provedenim postupkom javne nabavke ponude dostavili sljedeći ponuđači:

R.br.	Broj protokola	Naziv/ime ponuđača	Datum i sat prijema
1.	U-04-4572/2025	ARCON-IN d.o.o. Zenica	23.07.2025. godine u 09:35 sati
2.	U-04-4573/2025	BAUMASTER d.o.o. Sarajevo	23.07.2025. godine u 10:05 sati

Krajnji rok za prijem ponuda bio je 23.07.2025. godine do 12:00 sati.

Komisija za javnu nabavku formirana Rješenjem o imenovanju komisije, broj: 01-04-2-254/2025 od 14.07.2025. godine (u daljem tekstu: Komisija) pristupila je javnom otvaranju ponuda dana 23.07.2025. godine u 12:15 sati, te je konstatovala da su dostavljene ponude navedenih ponuđača blagovremene, o čemu je sačinila Zapisnik o otvaranju ponuda, kao i dopunu Zapisnika, te kopiju istih dostavila navedenim ponuđačima putem e-maila u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponuda na zatvorenoj sjednici, te je nakon izvršenog pregleda i ocjene istih utvrdila da:

- ponuda ponuđača ARCON-IN d.o.o. Zenica, broj: 272/25 od 22.07.2025. godine sa ponuđenom ukupnom cijenom u iznosu od 29.847,00 KM bez PDV-a, ne ispunjava sve uslove propisane u tenderskoj dokumentaciji;
- ponuda ponuđača BAUMASTER d.o.o. Sarajevo, broj: 02-37-7/25 od 22.07.2025. godine sa ponuđenom ukupnom cijenom u iznosu od 29.216,25 KM bez PDV-a i rokom za izvođenje radova od 20 dana, ispunjava sve uslove propisane u tenderskoj dokumentaciji.

Na osnovu rezultata pregleda i ocjene ponuda, ponuda ponuđača ARCON-IN d.o.o. Zenica, broj: 272/25 od 22.07.2025. godine odbija se iz razloga što ista nije potpuna i ne ispunjava zahtjeve iz tenderske dokumentacije.

Naime, tačkom 6.2.1. tenderske dokumentacije pod tačkom a) propisano je da ponuda treba sadržavati, između ostalog, popunjen Obrazac za ponudu koji je dat u Aneksu 2 tenderske dokumentacije.

Nadalje, tačkom 6.5.1. tenderske dokumentacije propisano je da je ponuđač dužan dostaviti popunjen Obrazac za ponudu i Obrazac za cijenu ponude sa tehničkom specifikacijom koji se nalaze u prilogu tenderske dokumentacije, u skladu sa svim podacima koji su definisani Aneksom 2 odnosno za sve stavke koje su sadržane u tim obrascima.

S tim u vezi, nakon izvršenog uvida u ponudu navedenog ponuđača, Komisija je utvrdila da je ponuđač na strani 8. ponude dostavio djelimično popunjenu Izjavu ponuđača na način da u istoj nedostaje podatak o roku za izvršenje radova, a koji predstavlja bitan element ugovora.

Uzimajući u obzir jedinu pristiglu prihvatljivu ponudu ponuđača prema kriteriju za izbor ponude, daje se sljedeći pregled zajedno sa rang listom:

R.br.	Naziv ponuđača	Cijena	Rok za izvršenje radova	Rang
1.	BAUMASTER d.o.o. Sarajevo	29.216,25 KM bez PDV-a	20 dana	1

Nakon provedenog postupka provjere kvalifikacije ponuđača, kao i pregleda i ocjene ponuda, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda od 25.07.2025. godine koji ujedno predstavlja i Izvještaj o radu Komisije, zajedno sa Preporukom za donošenje odluke o izboru najpovoljnijeg ponuđača od 25.07.2025. godine.

Uzimajući u obzir rezultate provedenog postupka, odnosno činjenicu da je kriterij za izbor najpovoljnijeg ponuđača ekonomski najpovoljnija ponuda, kao najpovoljnija ponuda u predmetnom postupku javne nabavke smatra se ponuda ponuđača BAUMASTER d.o.o. Sarajevo, te se okvirni sporazum o nabavci radova na popravci i održavanju poslovnog prostora Fonda za zaštitu okoliša Federacije BiH dodjeljuje ponuđaču BAUMASTER d.o.o. Sarajevo, broj ponude 02-37-7/25 od 22.07.2025. godine sa ponuđenom cijenom u iznosu od 29.216,25 KM bez PDV-a i rokom za izvođenje radova od 20 (dvadeset) dana.

U skladu sa naprijed navedenim, odlučeno je kao u dispozitivu ove odluke.

**POUKA O PRAVNOM LJJEKU:**

*Protiv ove odluke može se izjaviti žalba u roku od 5 (pet) dana od dana prijema ove odluke.*

Fond za zaštitu okoliša  
Federacije BiH



---

Slađan Bevanda, direktor

**Dostaviti:**

1. ponuđačima (putem e-maila)
2. Sektoru za finansije
3. Samostalnom odjelu za opće poslove
4. a/a